

Elisabei a lä shöbönabö wei, belibo 6 a famaö
bäshäcuaö däjä, ajele Cablieli a lä cui, Yai Bada tänö a
shömöa çolema. Calilea tä ulifi jamö, Nasaleteli bä
shabonobö jamö, a shömöa nomöjöledayoma. Öjamö
lä María a wafa moco lä cule nija, a shömölema. David
nodiwä a José lä cuinö, öjö a nia suwä däama. A wafa
boma ma cui, cäcöbö doayonomi
showawä. A suwä jubamou dao
lä mlai a suwä cuo showaoma.



Öjö däjä, María nija abinaja ajele e
cuma. —A quili dijä, María. Yai
Bada tänö wa bayeliblabä, wa nofi
ojodabou waiquia lä cule. ¿Öjö
tawä? Wa nia shöbönaböö.
Ijilufä walo wa nia tablaö.
Jesús wa wafa nia jilaö. Bada
a nia yai cuo. Yai Bada tä Bada
lä ayai Ijilubö e afa nia jilaöje. Yai
Bada tänö bada tä David a bälöa lä
lojodomabono weinaja, ijilufä a nia
bälöa lojodomabou cuo nomöjöö.

Jacobo ebä nija a nia Bada läo
shi walıi. A Bada bälöö lä dodijio
wei etä nia mladoimi —e cuma.



Abinaja ajele a nija María a cuma.
—¿Wedinaja ya li shöbönaböa cua
bälaiyou? Ya jubamou dao lä mlai ya
showawä —a cuma. Öjö däjä,
abinaja ajele e cuma. —Yai Bada
tä Bufinö wa fe walou däjä, Yai
Bada tä Bada lä ayai tä
lojodenö wa nia
jöyablaö. Öjö
cudeenö ijilufä a nia
yaio. Yai Bada
ljilubö e afa nia

jilamou.



Tä fe fa weyadalunö, Judea tä ulifi lä jefubö
wei jamö María a shi jalijiwä çai ayofälöma.
Öjamö lä, ai bä shabonobö jamö a fa
çoblalunö, Sacalia a yai lä
bälöle jamö a çoblou
majölayoma. A fa
falönö, Elisabei nija a
wä fayoluma. María a
wä fa jililänö, Elisabei
bä ijilubö e lä
didibono wei e jicali
quiblaliyoma.



Öjö däjä, Yai Bada tä Bufenö Elisabei a fa
jödödöblalunö, a wə bädaliyoma. María nija
a wə icalı faö ja, abınaja e cuma. —Suwä
bluca bamacö ma cule, Yai
Bada tänö cafä wa
bayelibobä wa yai.
Ijlufä wa nia lä tablaö
wei a ma cui, öjö a nia
caı bayelibou fe
baloo.




Jesucristo a oshe lä wawäblaliyono wei däjä, abinaja tä cublaliyoma. Bä nöö María e lä cui, Josénö a wafa boma ma cui, a quilii showao däjä, Yai Bada a Bufi lojodenö, a shöbönabölayoma. A shöbönabö fa damolalunö, bä feyalobö Josénö a nia däanomi majöwä.



¿Öjö tawä? José
showadi a dodijama.
A nö quilili bleaamaö
bufionomi. Öjö
cudeenö, a wə
lafujou mlai ja,
mamicaí a nia daaö
bädaoma.



Öjö ma cui, a nia lä joyaö wei tä ja, a bufi dayäo showao däjä, Bada etä ajele majali damolaliyoma. José abinaja a nowa majali tama. —David nodiwä José wa e lä cuinö, suwäböfä María a dääö quilii dicoo dijä. Bä ijilubö e lä didibole, Yai Bada tä Bufinö a li fa dobälönö, a li shöbönabö.



Ijilu wɔlo a nia tablaö. Cama ebä lä cui, bä doblou ma mlai ma cui, etä nowa nia mladamaö. ¿Öjö tawä? Etä nowa nia mladamaö cudeenö, Jesús wa wɔfa nia jilaö —a nowa majali tama.



Öjö däjä, José a jocäblou fa fenalonö, bä suwäbö e naca fenalema, Bada etä ajelenö a nowa lä tano weinaja showawä. Öjö ma cui, Maríanö bä ijilubö e tablaö showao mlao däjä, a jubaö mlai ja a tabou balöoma. ¿Öjö tawä? Bä ijilubö e fa tablalönö, Joséno a wäfa Jesús jilaquema.



Juan a oshe cuo showao dājā, Lomateli Aucuto a bada nosiemoma, cama bluca ebä lä bälöblai ebä afa oniblamabeje.



Bä afa bluca onimamobä, bluca bä lä bälöblai bä lä cui,
cama bä nö badabö lä bälöblamono wei jamö, bä jublou
cuaama. José a ma cui, a
aa mö fedulayoma. Calilea
tä ulifi jamö,
Nasaleteli bä lä



bälöle jamö a culanö, Judea tä ulifi jamö a alayoma.



David nodiwä a li cuoma yalo, Belenateli bä lä bälöle jamö a juu cadidioma, David a jaba lä bälöono wei jamö. A nia lä däano wei a María sho cäcöbö juma, cäcöbö afa oni taamamobä.



¿Öjö tawä? María a shöbönaböoma.



Öjamö lä cäcöbö cuo
däjä, bä ijilubö e
tablabä a ninimoma.



Fama bä lä cublaaö wei tä yafi mashiquio fa dicoonö,
yalo bä yanobö jamö cäcöbö cublaquema. Öjamö lä
ijilubö jaba e fa tablalönö, camishi
acadafu cäcö ja, a bacojeboma.

A fa bacojelänö,
yalo bä niibö
lä bao wei
tä ja, a
wai



didiquema.




Öjamö a bölösö blao lä ajedeono wei jamö, ai bänö
oweja bä çai cuo fe jalumaje, bä nowamabeje. Bada
tänö ajele e fa shömöludunö, öjö bä

nija a fa
bädalunö,
Bada
etä shii fe
façoblaliyoma.



¡Bejedi lä bä quilia dodijilaliyoma! Öjö bä nija abinaja
ajele e cudaliyoma. —Bä quili dijä. ¿Öjö tawä? Ei
dodijidawä ya tä ą wäyäyolubä, ya
itolayou lä cufe, wamacö
bufi
doblalobä.



Cafä wamacö ma cui, bä bluca lä bälöblai bä ma cui,
wamacö bufi bluca doblalou fe balojobä. ¿Öjö tawä?
Wamacö jucäamobä, bada tä David
a jaba lä bälöono wei jamö,
a oshe
wawäblaliyo
lä cufe.



Yai Bada tänö a shömabä a lä yaileno wei, öjö a Bada.
Wamale a bejedi möbä, ei ya wä. Camishi acadafu cäcö
ja, wama a nia ijilu bacojea dablaö.

Yalo bä niibö lä bale jamö,
a wai didia
—e cuma.



Öjöö däjä, yedu ajele a lä cule jamö ai bä caji ajele bluca
wawälaliyoma. Yai Bada a nofi doaöje
ja, abinaja bä cuma.



—Fedu fedole jamö Yai Bada a lä bälöladi, ja nofi
shino yai doablamobä! Bitä jamö a bufi lä
doblamabolajei bä lä cui, idodijidawä
bä bufi yanöcöwä çai



bälöblamou
cuaabä! —bä
ajele cuma.



Öjö däjä, ajele bänö bä daa fa
çocufälöjenö, fedu jamö bä çö
çölayoma. Oweja bä çai lä cuono wejei,
abinaja öjö bä nowa tayou juoma.



—¡Bei, bei! Belena jamö bamacö juu
da showadao, tä jowa lä cublalufe
bäma tä möblaabä, Bada tänö tä afa
wäyämaö lä bufino wei —bä nowa
tayoma.



Bä shi jalimolanö, bä lobe aa fa
showadalunö, María, José sho cäcöbö lä
cule jamö, bä fa waloicunö, cäcöbö
dalalemaje.



Yalo bä niibö lä bale jamö, ijilu a didia çai
daa mö fedua showalalemaje. Ijilu a fa
dalalöjenö, cama bä nija ijilu a wafa lä
wäyänö wei tä a ja, bä bluca yömölaö
showadaomaje.



Judea tä ulifi jamö,
Lomateli bänö Elode
a bada lä lämabono
wejei däjä, Belena
jamö Jesús a
oshe

cublaliyoma. A oshe cublaliyono
wei ja, motoca a lä faö wei jamö bä
lä bälöono wei, ai bä bufi daolewä
waloqueyoluma. Tä nia lä cublou
wei tä daö showadaobeje,
shidicali bä shino mödimaje.



Jelusale jamö öjö
bä fa yafilionö,
abinaja bä cuma.
—Judio bä nija a
Bada läobä a
oshe nofi da

wawäblalui, ¿wedi
jamö bei a? Shidicali a ja, yama a
mayo dalalema, motoca a lä faimaö
wei jamö. Öjö nija yamacö möfe
bolanö, yama a wafa Bada doblao
tabä yamacö juma —bä cuma.



Öjö dāja, Elode a lä cuinö,
bufi daolewä bä naca a cõa
fa jatolänö, shidicali a
wajima. —¿Wedi tä
dodijiwä dāja, bei e li
shidicali wawäblaliyoma?
—a cuma. Öjö bä a fa
jililänö, a ijilu lä badaö wei
etä dalalema. Öjö dāja,
Belena jamö bä shömalanö,
abinaja a jole
cuma.



—Belena jamö bä aa da showadaalu. Ijilu wama a fa dayäblalönö, wama a dalalei yalo wamale yömölaa mö yabaa çoliyo. ¿Öjö tawä? Wamale yömölalei ja, camiyänö ya çai möö nomöjööbä. Öjö nija ya möfe bolanö, camiyänö ya wəfa Bada çai doblao taö mö feduobä —a jole cuma.



Bufi daolewä bänö bada a wə fa jililäjenö, bä alayoma.
Motoca a lä faö wei jamö a shidicali jaba lä möno wejei
a lä cui, a balöaö çofälöma. Ijilu a çai
lä cuböono wei a yafi fedubö
jamö, a yanöcöbalejelayoma.



Öjamö bä fa çoblalunö, Maríanö bä ijilubö e çai cuobä jamö, a ijilu dalalemaje. A fa dalalöjenö, mashita jamö bä möfe fa boolalunö, a wəfa Bada doblao tamaje. Öjö dājä, bä çai madofibö lä juno wejei, bä fa wawämälalöjenö, a dobämaje.



Olo bā ma cui ja, tǎbā wāqueshi ni clēdeli lā
ūcucamamou wei tǎbā ma cui ja, fii defibā shuu nō lā
clēdeli wei defibā çai shuu ma cui ja,
ōjō tǎbā bluca ja, a dobāmaje.
Bada tǎ Elode nijamō bā
jayuaō çofälöö mlaobā, majali
tǎnō bā fa wasölönō,
shomi yo jamō bā
çā yaclāa
çolayofälöma.



Öjö bufi daolewä bä
çolayono wei ja, Yai Bada
tänö ajele e shömöa jälema.
José nija a majali fa
wawälönö, abinaja e majali
cuyoluma. —A da
jocäblalu. Ejido jamö
suwäböfä sho, ijilu wafä
a çai docufälöbä. Bäfa
nacaö

showao mlao däjä,
öjamö lä wamacö
yanöcöo cudio balöobä.



Bada tä Elode lä cuinö, fei däjä
ijilu a nia jädääö, a nia fa shänö
—e majali cuma. Öjö tä mö
didi showawä ja, a laa fa
showadaalunö, Ejido
jamö bä suwäbö e sho,
ijilu a çai docua fe jalua
showalayofälöma. Bada
tä Elode a nomaö
showao mlao



däjä, öjamö lä bä
cudio balöoma.



¿Öjö tawä? Yai Bada a
wano wäyälwä nija, Bada a
lä cuno wei tä a bejedi
cublobä, öjö tä li
cublaliyoma. Abinaja tä a
cuu. Ejido jamö, Ijiluyä a
faö çofälöbä, ya
nacalema. Einaja tä
a cuu.




¿Öjö tawä? Bufi daolewä
bänö bada tä Elode a
mölamalemaje yalo, a nö
bada wəlowä jushudou fe
balojoa jälayoma.



A nö wəlowä jushudou fa
dodijilonö, Belenateli bä
shabonobö jamö ma cui,
öjamö bä bälöa fe lä fayoono
wei bä nijamö ma cui, ijilu
wəlo bä bluca shäa
showadaamalalema, lasha

bolacabö
a
famaö



showaa lä
mlajei bä lä cui.



Bufi daolewä bä wəlii malä
waiquiono wei. “Ei tä lä cui
däjä, inaja ijilu a bada cua
waiquile dao”, a bufi cuma yalo,
öjö bä nabä bluca shömöquema.
Ijilu bä bluca shäbeje jamö, bada
a nia yai lä läo wei a çai ijilu

shämou



coyocoo
showadaobä.



Öjö ma cui, bada tä Elode a
nomalayono wei ja, Ejido
jamö Bada tänö ajele e
shömöa fa çolunö, José nija
a majali wawäa çomalema.

Abinaja e majali cuma.
—A da jocäblalu.



Isaeli ebä ulifibö jamö
suwäböfä sho, ijilufä wafä
a çai çojamöö çobä. Ijilu a
shäö bufi lä doblaono wejei
bä lä cui, bä nomaa
waiquilaliyoma —e
Majali cuma.



Öjö ma cui, Judea
jamö, Elode bä ijilubö
Aquelao e a bada läo
juo fa jililänö, öjamö
José a juu
quilima.



Öjö dajā a
majali wasömamou fa
çonö, Calilea jamö bä aa yacläa
majölayofälöma. Nasale tä afa shabono
lä jilaö wejei jamö, bä yai bälöaliyoma.



'Yai Bada tänö yanowamö täbä
nofimaö fa dodijionö, bä ljilubö
moli ya e lä cui yale shömölema.
Wale ą bejedi lä bufii wejei bä
bluca lä cui, bä nomaö mlai ja
bä bälimi cuobä.



Romanos 3:23 Yanowamö täbä jödödöwänö wəlidiwä tä taö malä cujei. Yai Bada tä doblao lä culenaja bä cuwä malä mlai.

Romanos 6:23 Wəlidiwä tä lä taö wejei tä nowa ja täbä malä nomaö wei. Öjö ma cui Bada tä Jesucristo lija bamacö bufi cua yalo, Yai Bada tänö no mlai ja bämalecö bayeliblaö, bəlimi bamacö cuobä.

Hebreos 9:27 Yanowamö täbä nia lä nomaö wei, moli bä nia shilo nomaö. Öjö däjä Yai Bada lija bä nia icuo, bä jimamobä.

Efesios 2:8,9 Wamacö nofi ojodabou yalo, Jesucristo wama a nofi fa mölabonö wamacö malä fucäləno wei. ¿Öjö tawä? Wama a nofi lä mölabou wei tä ma cui, Yai Bada tänö no mlai ja wamacö bayeliblaö mlao fa cunoja, wama a nofi nö çai mölabou bädaobö mlai.



Täbä lä dodijaö wei tänö täbä fucäamoimi yalo, cama bä dodijidawä jimöobä etä cuami.

Romanos 10:9,10 Bei wa caficönö Jesús wa wafa Bada wäaö ja, bei wa bufinö Yai Bada tänö a demi jocädamaö lä çolayono wei wa tä ʘ bejedi çai bufibou ja, wa fucäamou wä.

Bei täbä bufinö tä ʘ bejedi malä bufibou wejei, jai bä dodijidawä waiquiwä Yai Bada tänö bä nofi tabobä. Bei täbä caficönö bä ʘ nö çai wäo, bä fucäamobä.

Juan 3:16,17 'Yai Bada tänö yanowamö täbä nofimaö fa dodijionö, bä ljilubö moli ya e lä cui yale shömölema. Wale ʘ bejedi lä bufii wejei bä bluca lä cui, bä nomaö mlai ja bä bälimi cuobä.



Yai Bada tänö bita jamö bä Ijilubö wale lä shömöleno wei ya lä cui, yanowamö ya täbä nö bleaamabä wale shömano malä mlai. Ya täbä yai jucäabä wale shömölema.

1 Juan 5:11-13 Bälimi bamacö cuobä Yai Bada tänö bämalecö lä dobäleno wei tä afa yai wäyämou. Bä Ijilubö bäma a bejedi lä bufii wei tänö bamacö yai bälimi cuobä.

Bä Ijilubö e lä tabou wejei bä lä cui, bälimi bä li cua waiquia. Yai Bada bei Ijilubö e tabou lä mlajei bä lä cui, bä nia lä bälimio wei etä cuami.

Yai Bada bei Ijilubö wama a bejedi lä bufii wei wamacö bufi jaducublobä, ei ya tä a oni shömaö. Bälimi wamacö cua lä waiquile wama tä dabä.



Mateo 1-2; Lucas 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Yanomamo (guu) ©2012, All Rights Reserved

<https://www.bible.com/en-GB/bible/2980/GEN.1.GUU>

©2025 Bible for Children, Inc.

www.M1914.org

www.bibleforchildren.org

